



Arubaanse Courant

Anja 25.

DIAMARS 31 MAART 1964

No. 4998

Temblor di terra ta destrui ciudadnan completo na Alaska

Apuntes Editorial
Alegria mucho
tempran

Siman pasa BC di Aruba a tene su conferencia cu prensa, cual conferencia tabata worde spera basta tempo caba. Anteriormente nos a bisa cu un tono optimistico, cu parse seriamente B.C. di Aruba tabata kider cuminsa atrobe cu conferencia cu prensa mensualmente. Manera cu ta pas pa un pais democratico. En coneccion cu esaki, anteriormente nos a mostra tambe, cu un gobierno democratico tin di responde pa su echanan na e pueblo y no unicamente pa e echo aki cu ta sina urgente, pero tambe pa crea comprendemento ta nenesario pa continuamente B.C. tene conferencia cu prensa. Pues no ta asina cu prensa, kende su trabao ta pa onserva exactamente kiko ta e echanan di gobierno y ora ta necesario interpreta esakinan y cu otro banda tin un contacto asina estrecho cu pueblo, ta e medio pa a sirbi como contact entre gobierno y pueblo? Merca, caminda e president personalmente ta encontra prensa y libremente ta laga e journalistanan puntra loke nan kider, ta duna un ehemplo claro di esaki. Durante di e conferencia cu prensa Dialuna dia 23 di Maart ultimo, e delaster pregunta tabata: "B.C. tin intencion di tene un conferencia cu prensa mensualmente?" E contesta di Gezaghebber tabata: "nos lo tene conferencia cu prensa unicamente ora cu tin algo di importancia di informa. Si boso por tin algun pregunta pa haci B.C., anto mi ta demanda boso pa Servicio

Asina ta cu nos a alegra nos mes mucho tempran. E situacion lo keda manera cu e ta. Unicamente ora cu nos tin algo importante di informa". E ultimo siete anjanana a sinja nos cu saki ta nifica: un conferencia cu prensa cada siete anja! Senjo Chance un miembro di ellandsraad y eligi personalmente door di 1005 votador (esaki ta casi 10 porciento di tur e hendenan cu na 1963 a vota ariba P.P.A.) inutilmente a haci un suplica na B.C. pa honradamente renoba e conferencia nan cu prensa, y tambe un suplica cu tabata haci inutil na B.C. tabata esun disensor E.R. Finck.

"Si boso por tin algun pregunta, mi ta demanda boso pa Servicio Informativo di Gobierno". Loke ta trata di un servicio rapido y adecuado, te aunda esey ta algo cu Arubaanse Courant masha poco a hanja di e departamento aki. Esey segun nos smaak e consejo aki di Gezaghebber do ta sal mucho.

Manera cu nos ta mira, tur cos lo keda manera cu e tabata, renombamento di e relacion-

ANCHORAGE, 31 maart.- Alaska na entrada di scuridad, a worde azota pa un temblor, cu a dura dies minuut y cu tabata mas fuerte cu e temblor di 1906, cu a azota San Francisco.

Segun e datonan cu te awor aqui ta disponible tin entre cincuenta y tres cien morto, mientras cu tin centenares di heridonan.

Despues di e temblor grandi tabatin dos mas corticu. Den e centro di e ciudad Anchorage, cu tin un poblacion di 45.000 alma, mitar di e edificacionnan ta destrui y ningun central di energia

E puerto Valdeze a queda practicamente completamente elimina, mientras cu un gran parti di e puerto Seward ta na candela. Na Valdeze tin trinta persona perdi.

Na Anchorage cincuenta a worde pusha den laman for di riba un barranca mientras cu un tanker, cu tabata den haaf di Seward a pega candela.

Guardacosta Mericano a avisa pa posible olanan grandi, cupor alcarsa costa oriental di Hapon, tua na Oceano Pacifico.

Servicio meteorologico na Japon a avisa cu olanan grandi por azota henter costa oriental di Hapon.

E centro di Kodiak, a worde destrui completamente pa e temblor y olanan di awa cu a sigui despues di e temblor. Pero notabatin anuncio di victima.

Den golfo di Mexico e temblor y olanan di awa cu a sigui despues di e temblor. Pero no tabatin anuncio di victima.

Den golfo di Mexico e temblor a causa olanan di dos meter altu. Un serio di olanan grandi a bati e islanan Oahoe y Kaohai, di e grupo Hawaii. No tabatin ningun noticia tocante danjo. E isla Catalina, situa dilanti di costa di Los Angeles a worde azota pa olanan grandi causando algun danjo.

Crus Mericano a pidi tur miembronan di su servicionan pa nan ta prepara pa sali pa Seattle riba prome sinjal. Na Seattle e servicionan di yudanza pa Alaska ta worde agrupa.

E departamento Mericano di defensa a participa, cu e instalacionnan di radar pa defensa na Alaska no a sufrir danjo.

Segun e seismologo di universidad di California e temblor di Alaska por a worde causa door di un deslissamentu den e casca di terra, cu tin den e bahia di Yakutat, e centro di e temblor.

Dos geologo Mericano, Benioff

y Saint-Amand, cu ta haci investigacionnan independiente di otro, recientemente a expresa e opinion, cu un mudacion di e bason di oceano atlantico de n direccion contrali na wijzernan di oloshi, por ta responsable pa temblornan na Alaska.

President Johnson a declara Alaska territorio di desastre y a priminti completa yudanza di gobierno pa recuperacion di e danjo causa.

E ciudad litoral di California, Crescent a worde azota pa olanan altu. Kortsluiting a causa cande-

lanan na diferente sitio den e ciudad. Den hopi otro ciudad di California corriente a bai.

Na Depoe Bay, na costa di e estado Oregon un famia, cu tabata pasando anochi na a playa, a worde ataca pa olanan grandi.

Tu r cuater yulnan di e famia a worde hiba p e olanan. Te awor aqui nan a hanja cadaver di solamente un di nan.

Den e estado Washington olanan a bai cu dos brug, mientras cu casnan pega cu costa a sufrir basta danjo.

Den e ciudad Anchorage, cu a sufrir mas di e temblor, e aeropuerto a queda destrui. Den e barrio comercial hopi danjo a worde causa pa candela. Den henter Europa seismografonan a registra e temblor. E instrumentu di un museo cientifico a hania un de-

fecto a consecuencia di e sacudimentu, cu tabata muchu fuerte pa e aparato.

Ayer maita trempa tabatin algun sacudimentu mas na Anchorage, pero nan no tabata fuerte. E corresponsal di e agencia ingles Reuter a bisa cu nan a hanja tres morto y 18 persona gravemente herida. Nan tabata listrando den e restunan.

Dos di etres hospitalisnan den e ciudad a worde destrui y e provisionnan di e tercer hospital ta cabando. Tin poco awa y no tin electricidad den e ciudad.

Na Kodiak, riba e isla Kodiak, tabatin te awor aqui tres morto y binti herido. Na Valdez tambe tabatin tres morto y 26 persona perdi.

Segun cifranan oficial te awor aqui tin 67 hende cu a muri a consecuencia di e temblor na Alaska. Por lo menos sesenta persona ta perdi ainda.

Edward McDermott, quende ta coordina e yudanza federal pa

president Johnson, a declara, cu e industria di piscas di Alaska a worde destrui pa cincuenta porciento.

A particip a president Johnson, cu mester di un yudanza federal masal pa recupera economia di Alaska.

E burgemeester di Anchorage a bisa cu e danjo den su ciudad lo por ta mas o menos 200 millon dollar. E danjo ta cubri mitar di e ciudad.

E ciudadanonan ta decidido pa reconstrui tur cos atrobe. E lo bira un ciudad mas mihor cu anterior, asina e burgemeester a bisa.

Ta un experto di New York, cu a worde mand a na e territorio Azota pa temblornan na Alaska pa tuma nota di e danjo causa, a stipula cu mas o menos cinco porciento di e edificacionnan queda completamente destrui, mientras cu 35 porciento a sufrir danjo leve. Dos blokki di cas di diescuater piso no por worde habita mas. Polis ta vigila e edificio y talaga e habitantenan drenta na gruponan chiqui pa nan saca nan propiedadnan.

FATUM Tel. 1845

pa tur bo aseguronan

E sympatico Miss Aruba, srta. Regina Croes, na momento cu e ta subi avion di Trns Caribbean Airways pa bai pasa algun dia na Puerto Rico. Esaki tabata un di e premionan cu el a gana den e ultimo carnaval na Aruba.



FRESCURA DI MENTOL

SABOR RICO DI TABACO

FILTER MODERNO





Mensahe di Pascu di Papa Pablo

CIUDAD DE VATICANO, 31 - maart. - Papa Pablo a tene su discurso di Pascu grandi despues di riba trapinan di Sint Pieter na Roma el a haci un misa. Radio Vaticana y diferente otro stacion na Europa Occidental, Canada, Merca y Sur America, a transmiti e mensahe.

Papa a termina su discurso cu e bendicion tradicional Urbi Et Orbi na ciudad di Roma y henter mundu.

Mester pensa hopi riba e balor universal di resusitacion di Cristu, pasombra di e balor aki e pakiki di e drama humano, ta worde deriva. E ta nifica solucion di e problema di malu, formacion di un sistema nobo di bida: Cristianismo.

Papa a dirigi su mes principalmente na e hopinan, kendenan conciente religioso a yega den un crisis door di factornan, cu segun precisamente mester splerta e conocementu.

Cu esaki e tabata kier men e proceso cultural, cientifico, social y tecnico, cual a domina conciente di ser humano moderno.

E progreso aki a trece e conviccion - aunke cu e conviccion aki ta cuminsa ta resulta un decepcion - cu ser humano ta suficiente sabi pa liberta su mes cu e no tin mester di otro

pa solucion problema nan principal y obscuro di su bida.

Espiritu humano di algun ta bruha door di e experiencia caracteristico di e epoca aki y ta keda para amargamente riba e opinion cientifico cu ya a bira bieu.

Di otro e espiritu ta intrankil. Pero hopi no ta intresa nan mes pa nada mas, y a conforma nan mes, cu pa nan bida no tin ningun intencion mas. Pero tambe hopi, y eseynan ta esnan cu ta pensa hopi, pa preocupa cu calda di bienestar religioso, pasobra nan sa, cu e conciente aki ta base pa e contruccion mas solido di fuerte di espiritu humano.

Pero con cu ta mira religion, asina Papa Pablo a esclama, na bosonan tur nos ta dirigi e invitacion pa acepta e luz, cu resusitacion di Cristo ta manda riba mundu.

Ultimamente dr. O. Bijl, hefe di Servicio di Sanidad Publico a recorda e echo cu ta 25 anja pasa cu el a hanja su diploma pa dokter. Na e ocasion aki el a ricibi diferente regalonan for di e empleadonan di e servicio caminda e ta hefe. E regalonan manero nos ta mira ariba e portret, a worde entrega na dje door di Dr. C. Bijl, hefe interino di e servicio.

Diahuebs atardi banda di seis or e promer grupo di congresistente pa e congreso di Union Mutualista Bonaireano cual a tuma lugar dia 29 ultimo na Bonaire a sali for di Aruba. En total dos avion di KLM a worde gecharter di Aruba pa Bonaire. Tambe na Corsow e Bonaireanonan cu ta biba aya a charter avion (tres) pa asisti na e congreso U.M.B. For di Aruba e miembronan di U.M.B. a hiba huntu cu nan e completo Orkestra Fred Muller.

PROPOSICIONNAN DI LAGO NA IOWUA

SAN NICOLAS, 31 maart. - Durante un reunion combina, teni diahuebs mainta Lago a comunica na directiva di IOWUA su conclusionnan tocante e proposicionnan hacf door di IOWUA pa un combenio colectivo di trabao nobo. Aunque directiva a duna di comprende cu segun nan hopi di e sindicato no ta histifica. Sin embargo contesta di Compania ta contene algun mehora una masha importante como base pa un combenio colectivo di trabao cu lo dura tres anja.

E sindicato y gerencia a combini cu detajenan tocante proposicionnan hacf mutuamente lo no worde publica durante negociacionnan; pesey aki bao ta sigi algun proposicion principal hacf door di gerencia di Lago:

Introduccion di un siman di trabao mas cortico, pa un cierto periodo, pero empleadonan ta keda cu nan ganamentu completo pa 45 ora.

Mehoranza di pensioen y provisionnan pa sobreviviente.

Mehoranza di e pago den caso di layoff.

Mehoranza di e bono pa trabao di warda.

Un arreglo nobo pa asisti empleadonan hanja nan propio cas. Un cantidad importante di otro liberalizacion y mejoranza compará cu e stipulacionnan di e combenio anterior.

E interesadonan ta spera di sigi negociacionnan inmediatamente despues di dianan di Pascu.

TA BUSCA

Un mucha muhé pa trabao di cas.
Pa oranan di mainta, 6 bez pa siman.
Pa inf.: Acudi na Sibeliusstraat 20, Oranjestad.
of Tel: 2116.

Panam tocante Aruba

ORANJESTAD, 31 maart. - E compania aereo Mericano, Pan American Airways cu dentro di corto lo baha cu jetnan na Aruba, na emomento ta hibando un campanja importante pa atraccion di turistanan pa Aruba. Entre otro a sali den "New York Times" di dia 18 di maart ultimo un anuncio di tres kolom over henter un pagina, den cual Pan American ta anuncia su vuelonan pa Aruba y ta hala atencion ariba e diferente atraccionnan turistico di nos isla. "ARUBA IS IN" ta e titulo bao di cual e anuncio aki ta worde publica den e diario menciona. Segun nos a worde informa, Panam ta haciendo uso tambe di stacion di radip pa haci propaganda pa su vuelonan pa Aruba.

Pasco trankil na Aruba

ORANJESTAD, 31 maart. - E dianan di Pasco Grandi cu a pasa, tabata sumamente trankil na Aruba. Trafico di Aruba tambe a comporta su mes basta bon den e dianan cu a pasa. Fuera cu no tabatin mucho choke, no tabatin ningun cu por worde casifica como grave. Esunnan di mas pisa ta esun cu a tuma lugar Diadomingo mainta na Pos Chiquito y un otro cu a tuma lugar na San Nicolas. Nan a causa respectivamente danjo material di 1,200 florin y 800 florin. Resto en general e wardanan di polis a anuncia cu tur cos a bai sumamente trankil.

Frank Griffin cu pensioen

ORANJESTAD, 31 maart. - Senyor Frank E. Griffin, kende mas o menos seis anja pasa tabata exec. vice president di Lago y despues tabatin diferente puesto halto na Iranian Oil Refining Co. (Abandan) y Esso Petroleum Co. Ltd. entrante dia promer di mei venidero lo laga servicio di Standard Oil of New Jersey cu pensioen. Dia 10 di maart ultimo e pareha cual tabata masha popular na Aruba, a hanja un fiesta di despedida grandioso for di Esso Petroleum Co.

E cas ta biniendo cla, y ta duna un bunita bista.....



gracias na e staf di techniconan cu ta duna bo tur informacion pa planea bo cas, renovacion of reconstruccion na un prijs masha razonable.

PETRONA & CROES

ATENCION

NOS TA SALI DIA 5 DI APRIL.

ainda nos tin pa vende: mesa, stul, tuinslang, herment pa jardin, tapijt nobo.

VENEMAN

Boerhaavenstraat 27 Oranjestad.

Tur cos pa Prome Santa Comunion



pa mucha homber y pa mucha muher. No spera te ultimo momento. Compra awor na

La Linda

Diez anja na Lago

SAN NICOLAS, 31 maart. - Awe senyor Alberto P. Geerman, empleado di Lago ta cumpli 10 anja cu e ta den servicio di e compania menciona. Durante e temporada ey nunca el a falta un dia di trabao pa motibo di accidente.



KNSM

your line

TELEPHONE 1777-3 LINES

SCHEDULE OF ARRIVALS / DEPARTURES AT / FROM ORANJESTAD

NOMBER:	FECHA:	FOR DI:	PA:
TRITON	2-4-64	U.S. Atlantic Ports,	Venezuela, Trinidad, U.S. Atlantic Ports,
SARPEDON	3-4-64	Europe	Bonaire,
BREDA	8-4-64	Mobile, Houston, New Orleans	Curacao, Venezuela, Trinidad, Barbados, Georgetown, Paramaribo,
AMMON	9-4-64	U.S. Atlantic Ports,	Venezuela, Georgetown, Paramaribo, U.S. Atlantic Ports,
HERCULES	10-4-64	Europe	Santa Marta, Barranquilla, Cartagena, Pto.
ERIK BANCK	16-4-64	Italy, Spain, Portugal	Limon, Barranquilla, Cartagena, Pto. Barrios,



APUNTES EDITORIAL ALEGRIA MUCHO.....

nan agradabel entre prensa y B.C. ariba cual henter prensa di Aruba tabata spera no a tuma lugar. Manera cu nos ta mira B.C. di Aruba a nenga di acceptaman di un amigo. B.C. a nenga di "Shake-hand".

Despensa nos querido lectoran. Boso Arubaanse Courant a elgra su mes mucho tempran.

Awe e senjora di mas bleuew di Aruba, bluda senjora Maria Willems-Vrolijk, kende na e momento ta biba serca su yui homber Victor Willems na Rooi Busal 10 ta cumpli 101 anja, esaki segun buki di Burgelijke Stand. Pero segun e mes contamento y segun buki di bautismo di parokia di Santa Cruz e tin 105 anja. Senjora Willems apesar di su edad halto tin un oido y wowonan bon cla.



Fabrica nobo na Barcadera

BARCADERA, 31 maart. - Ariba e tereno di industria na Barcadera na e momento aki un instalacion ta worde traha den cual un di e productonan fertilizer cu A.C.I. ta produci, comoultimofaseden e fabricamento ta hanja un "coating". Door di esaki e fertilizer ta worde proteha mas mihor ainda durante transporte.

Cambionan na Barcadera

BARCADERA, 31 maart. - Despues cu ultimamente henter e complex di fabricacion chimico na Barcadera a bira propiedad di Standardoil of New Jersey, a worde dicidi pa pone tur e fabricacionan bao un solo directiva bao di e nomber Aruba Chemical Industries N.V. Senjor M.E. Fiska bira general manager di henter e empresa, mientras senjor T.J. Dimmock a keda nombra ass. general manager.

E otro cinco puestonan a worde reparti como lo siguiente: M.T. Overstegen (Production Superintendent), W.P. Thomas (Services manager), M. Bongard (Techni-

cal & Coördination Super Intendent), W. van Poelje (I.R. Manager) y C.J. Wafelbakker (Chief Engineer). Senjor W.H. Mandella hanja un puesto special, cual no a worde informa ainda kiko e ta.

Manera ta conoci senjor Fisk lo laga e empresa na luna di juni venidero pa tuma un puesto nobo serca International Petroleum Co. Ltd. na Coral Gables, Fla. Su sucesor na Aruba lo ta senjor C.H. Duncan.

Dr. Korthalsroad na Saba

ORANJESTAD, 31 maart. - Segun un noticia ricibi for di Saba, ministero vice-presidente di Hulanda, mr. B. Bleshevel durante di su bishita ultimamente na Islanana Ariba, caminda entre otro el a inaugura e edificio di aeropuerto na Sint Maarten, tambe a haci un actp oficial na Saba. Aya el a asisti ma e acto oficial di cambiamentu di nomber di un cierto calla na Saba pa e nomber di DRS. H.A. Korthalsroad. E caminda aki ta keda na Hellsgate. Despues di e ceremonia un telegra, di felicitacion a worde manda pa Drs. Korthals na Hulanda, en coneccion cu nombramentu di e caminda cu su nomber.

Manager di KLM na Cairo a muri

CAIRO, 31 maart. - E manager di KLM na Cairo, senjor Cannemeyer, y su esposa a muri den un desgracia di auto.

Durante un viahe di regreso for di un paseo na Suez e auto di famia Cannemeyer a dal den un otro auto. E dos yiu hombernan di e pareha a haya heridonan.

Senjor Cannemeyer tabatin nuebe anja ta traha pa KLM na Cairo.

Cu un FLOOR-POLISHER ELECTRICO

bo vloernan ta iomora
manera spiel.



Mas higienico, mas rapido, mas economico!
Esey REDDY KILOWATT ta garantisa bo!

CUMINZA BO DIA CU VIGOR Y ALEGRIA



Den dia, anochi, na ora di come bon bisa cualkier ora, Juice di Libby's ta nutritivo y yen di sabor, y... refrescante, Juice di Libby's ta esun mihor y mas rico na vitamina. Su sabor a worde imita, pero nunca iguala.

Pone un glas di cualkier juice di LIBBY'S na bo boca y... convence bo mes.

N.V. Winkel's Handel Maatschappij

TERITORIO INSULAR DI ARUBA

Ontvanger di Territorio Insular di Aruba ta participa abonadonan cu no a paga nan abono di Telefoon di luna di maart 1964 cu aanmaning lo ser poni na post dia 31 di maart 1964 y cu for di dia 1 di april 1964 lo cuminza cobra gasto di aanmaning pa abononan di maart 1964.



Esaki ta pareha Schermer, kendenan ultimamente a yega Aruba, caminda nan lo tuma e trabao di senjor Ad Stenzen, maestro di school di musica na Aruba, kende algun tempo pasa a laga Aruba. E pareha, di cual tur dos tin un

educacion extenso ariba tereno di musica y alavez a duna les di musica na diferente school na Hulanda, den e dianan aki lo cuminsa duna nan promer lesnan na Aruba.



Muy apreciable Rose Mary,
Mi ta spera cu na jega di mi carta cu Rose Mary ta bon y salud. Rose Mary, como cu tur hende ta busca un consuelo cerca Rose Mary, mi tambe ta dirigi mi mes. Tal vez pa bon of malo. E no ta mi problema, sino di nos Mama. Nos tata cu ta anja caba a banp dona nos pe biba su bida manera e hanja ta bon, no sabi mes cu nos ta bibo of morto. Nos mama ta esun cu tin cu pasa trabao cu nos. Ami ta di tres y mi tin 17 aña. Nos ta hopi ruman. Mi ruman homber cu ta mayor di nos tur a casa y bai mes anochi for di Aruba, pa e no sigi mira e bida di tata y con na su edad hende ta tené di bofon, cu e muhé cu e tin. Ta yiu bastarda nan ta. Nos tur ta infeliz. Mi otro ruman homber ta bebe si fin. Tur pa disgusto. Y awor pa drecha nos bida poco hende muhe no ta tin trabao di haci tin cu sinta waak, ta den cua taxi Mama ta core, si ta un vez of ta diez vez. Pero nan sabi bon si, cu nos mama no tin nada di haci cuningun hende. Pero nan boca ta laba riba nos, di dia y anochi. Nos mama no ta corre por nada den taxi. Ta cu sens e ta paga. Pakiko ral sorto di hende muhe no ta busca cos di haci Rose Mary? y stop di busca bida di hende pa sabi. Tur hende tin cos di haci cunos. Manera ta un pret panan. Ja nos no sabi mas con pa haci, unda cu nos bini nos ta tenxe tur sorto di cos. an no ta importa cu nan mes ta hende muhé, y cu mescos por pasa nan. Y nan esposo tambe por haci mescos cu nan. Rose Mary, e bida cu nos tin ta hopi duro y ainda pueblo ta tira nos cu piedra. Rose Mary, bisa mi kiko mi mester haci. Mi ta un mucha muher y ni mi school mi no por a caba. Tin blaha ni coi como no tin. Masha danki, come no tin, Masha danki.

M.D.C.

Apreckable M.D.C.,

Mi a ricibi bo carta y mi ta comprende den ki tormento bo ta hanjabo. Lo cual bo ta hanjabo aden no ta bo falta y ta Dios so sabi e pakiko di tur e asunto aki. Na promer lugar mi kier bisabo cu mi tin un respet grandi pa bo mama, cu despues cu su esposa, a bai lagé, a tuma tur e responsabilidad ariba su lomba pa percura pa Bo y bo otro rumannan. A pesar di e bida duro cu bo Mama tin, e mester tende critica di otro hende tambe. Wel, mi ta kere cu den e caso aki, ta Bosonan mester tin duele di tur e hendenan cu ta papia ariba Boso. Majoria parti nan no sabi cu door di papiamento y redashi nan ta trece mas maldad den pueblo. Nos por considera nan como hende bobo y cu poco civilizacion. E mihor remedi contra e sorto di hendenan aki ta, di no pone atencion ariba loke nan ta bisa y haci manera cu nan no ta sinti mes. E ora di mes nan ta ripara nan bobedad y nan lo stop di papia. Quizas e ora nan lo bai pone mas atencion ariba nan mes bida y mira cu nan tambe tin hopi fout.

Di bo banda M, bo mester trata di yuda bo Mama cuanto cu bo por. Busca un trabao of quizas bo ta traha caba y duna bo Mama parti di e placa cu bo ta gana pa asina bo tambe juda mantene bo otronan rumannan cu ta chikito ainda.



Gradicimento

(Fuera di responsabilidad di redaccion)

Pa medio di esaki mi ke duna mi gratitud na "Arubaanse Courant" e Diario Arubano, cual a publica mi retrato y usao un pagina di su diario pa skirbi mi

historia, dunando un splicacion con mi ta crea mi novelanan, trece nan riba papel y forma nan despues na buki.

Saludos sinceros di
Rose Mary.

Diasabra e dia tanto inolvidable pa mi, m'a drenta un restaurant como e momento ey tabata mucho laat, pa mi laga mi stoof y weanan duna mi e servicio diario. Na tin mesa poco mas ayá, algun hobenan a hala mi atencion, y unabéz m'a sabi, cu tamí tabata e obhetp principal di nan conversacion. Mi consenshi limpi no a permiti desconfianza, y mi imaginacion como autor no por a duna mi un solucion adecuado pa localiza loke tabata e motibo di nan atencion.

Despues di a sali riba caya, algun autonan a baha velocidad, y hopi wowonan a ser dirigi riba mi, y atrobe m'a sinti algo extraño den aire, y e momento eysfun curiosidad lamentable a ocupa di mi, aunque na mi exterior m'a keda mescalmo. Pasando banda di pomp algun di mi amigonan a duna mi fabien pa mi trabao den courant, y e ora ey numa m'a comprende loke ta tumando lugar. Mi curiosidad no a permiti pa mi yega te na Arubaanse courant, y a drenta Ingrid cumpra un diario. Na pagina 6 m'a mira mi retrato, loke a duna mi un sintimiento incomprendible.

Nunca lo mi comprende loke a haci mi busca ta decision, m'a

busca un sitio keto den naturaleza, leuq caminda ningun bista por penetra drenta, pa mi sinta calmo lesa loke a ser publica den courant... Prome mi no tabata sa kiko pensa, pero segun dianan ta pasa, m'a bira com reaccion di pueblo y mi clientenan ta, m'a sa mes ora cu mi debe Arubaanse Courant un sincero gratitud...

Como un persona agradecido, pronto lo mi publica un di mi obranan den Arubaanse courant, y mi ta spera cu tin masque ta un huki disponiblen pa mi ofrece pubelo un di mi creacion-freze pueblo un di mi creacion-nan titulá: AMOR Y ENGANJO. Y mi ta pidi tur mi clientenan abona Arubaanse Courant.

E autor WILFRIDO ORTEGA

Anton v.d. Water a fracasa

CARACAS, 31 maart.- E hoben Robinson Crusoe ulandes, Anton v/d Water, quende como experimento tabata pa queda seis luna riba e "isla di para" banda di Venezuela, a worde salvadi morto pa un boto di guardacosta Venezolano.

E boto "Maria Fatima", a ricibi sinyalnan cu a worde duna cu

yudanza di un spiel. Mes ora a bai den direccion di e isla y a haja e hoben, quende tabata sufriendo di quemaduranan, escarcedad di awa. E quemaduranan tabata causa di e terrible so tropico, contra cual Anton notabatin suficiente proteccion.

Riba e isla no tin awa di bebe. Anton v/d Water a worde trasladado pa e hospital di La Guaira unda el lo mester queda algun tempo pa e bini bel.

E promer secretario di embajada Ulandes tabata na La Guaira na momento di yegada eynandi compatriota.

Inundacionnan na Argelia

ARGEL, 31 maart. - E ultim dos dianan aki e parti Sur di distrito Oran na Argelia a worde azota pa inundacionnan, causa terrible calda di sneeuw.

Segun un conteo provisional tr persona a muri y diferente otro a worde herida. Tres cien hende ta sin lugar di drumi, mientrastu cu cinco cien cas a keda completamente destrui.



Een vliegtreis naar Amsterdam... nu binnen ieders bereik!

Retourtarief naar Amsterdam per KLM Economy Klasse per 1 april a.s. verlaagd met 164 gulden*

De KLM heeft haar tarieven naar Europa drastisch verlaagd! De Economy Klasse retourprijs van de Nederlandse Antillen naar Amsterdam en vele andere steden in West-Europa zal met ingang van 1 april a.s. slechts NAfl. 1419,— bedragen (met uitzondering van een periode van 2,5 maand gedurende het hoogseizoen). Een reis per KLM naar Europa is nu een evenement geworden dat binnen ieders bereik is komen te liggen.

Gedurende het overgrote deel van het jaar zullen de nieuwe KLM-tarieven van kracht zijn. Slechts gedurende een korte periode van 2,5 maand tijdens het hoogseizoen dienen hogere tarieven toegepast te worden. Indien van een retourreis de ene helft in het hoogseizoen valt en de andere helft er buiten, wordt het gemiddelde van beide tarieven berekend. Onderstaand schema geeft een overzicht van de z.g. "peak" en "off-peak" perioden gedurende het jaar.

	JAN	FEB	MRT	APR	MEI	JUN	JUL	AUG	SEP	OKT	NOV	DEC
NAAR EUROPA					22			3				
VAN EUROPA						17		28				

Indien zowel de heen- als de terugreis in de "off-peak" ☐ periode vallen, bedraagt het Economy Klasse retourtarief NAfl. 1419,— (enkele reis NAfl. 747,—).

Indien beide reizen in de "peak" periode ☐ vallen, bedraagt het tarief NAfl. 1583,— (enkele reis NAfl. 833,—). Een gekombineerde retourreis ☐ zal nu NAfl. 1501,— kosten.

Drie-weeks retourtarief naar Nederland

Van 1 april tot 11 juni biedt de KLM U de unieke gelegenheid om tegen het uiterst lage tarief van NAfl. 1231,— een bezoek van maximaal drie en minmaal twee weken aan Amsterdam (of enige andere West-Europese steden) te brengen. Vraag de KLM of Uw reisagent nadere inlichtingen omtrent die nieuwe drieweekse Economy Klasse retourtarief.

De KLM vliegt naar 104 steden in 68 landen. U kunt praktisch naar elke wil-

* Met uitzondering van hoogseizoen-periode.

lekeurige stad ter wereld reizen per KLM.

Wanneer de KLM een nieuwe DC-8 Jet afgeleverd krijgt, wordt het toestel eerst gedurende twee weken aan een grondige controle onderworpen, voordat het in dienst wordt genomen.

Zorgvuldige controle

De KLM heeft op Schiphol in haar jet-laboratorium (waarde ruim 10 miljoen gulden) een tunnel waar straalmotoren worden getest. Er zijn bovendien ultrasoonische wasmachines, infrarode ovens en ultraviolette controle-apparaten.

KLM - HENDRIKPLEIN - CURACAO

Naam: _____

Adres: _____

Telefoon: _____

Zend mij s.v.p. nadere inlichtingen over de KLM en haar nieuwe goedkope tarieven naar Europa.



2

TOCH NAN TABATIN UN BON PASCU

ORANJESTAD, 31 maart. - Gracias na un comite activo di Dorcas Welfare Society... bao di e dinamico gla di Joe Margaretha, varios familia pover a pasa nan dianan di Pasco Grandi contento. Familianan cu di otro manera talvez lo a pasa sin cuminda of sin suficiente panja, na unda muchanan chikito ta camna sunu y pia abao. Na unda ainda awa y electricidad ta un lujo... Nos a bishita dos di e familianan aki huntu cu e comite, y ariba e pagina aki kier trata na unda un impresion di e gran necesidad cu e hendenan ta den.

Na e casita den Hospitalwijk nr. 2 nos a topa cu familia Johan Geronimo Paesch su senjora y un dje yunan, kendenan a keda masha sorpresa cu e bishita di e comite di DORCAS Welfare Society. Ariba portret nr 1, nos ta mira d.r.p.dr. Sra. Dora Lu Chen pastor Alonso Abdul, srta Georgetina Daniel, sra. Alma Ferrol-Fenandes, sr. Johan Paesch, un di e yunan, sr. Joe Margaretha

y sra. Paesch. Manera e portret ta muestra claramente, interior dje casita ta masha deplorable. Tin un banki pa tur hende sinta ariba, un mesa mancaron, cushina tin un stoof chikito di kerosin, un mesita, dos laterna un cama y esey ta tur e mobiliario. Sr. Johan Paesch despues di un accidente di auto a keda invalido, y no ta traha ningun parti. De vez en cuando e ta bai pa purba su suerte cu piskamentu. Toch e familia ta carga fe y speranza cu nan situacion lo mehora un poco cu algun yudanza. Nan casita por ehemplo ta cai net ariba un caminda cu gobierno ta bai pasa. Domeinbeheer tin e caso den estudio segun nos a eorde informa door di sr. Paesch. Despues di a entrega un paki na e familia aki nos a bai na Balashi na cas di familia Isaac Flannegin. Aki nos a topa cu senjora Simona Flannegin cu algun di su yunan. Den e casita aki (portret den centro) un espacio di 7 x 2 1/2 meter, parti den un cuarto chi-

kito pa kamer y e resto pa cushina y tur otro uso, ta biba nada menos cu 10 hende. Un mama, tata y 8 yiu. Awa ta keda como 60 pia distancia for di cas, aunke cu e tanki di Waterleiding ta masha pega na nan cas. Si awa jobe un poco e casita ta keda drief den awa. Tres di e muchanan, senjoritanan di 15 pa 13 anja, mester a kita for di school trempan pa motibo cu nan mester falta school mucho frecuencia door cu nan no tin panja y sapato pa bai school. E chikitanan ainda ta lora cu lo ke tin y ta probecha di school ora cu situacion ta permiti esey. Aki tambe e familia a keda masha contento cu e paki cu e comite di Dorcas a trece pa nan. Tabata un sorpresa agradable pa experimenta cu toch tabatin hende ta pensa ariba nan.

Nos a weta cu e hendenan aki tin un solo cama, dos stoel, un mesita, talvez un mester warda otro caba di come pa nan haci

uso di e stul, mesa y tajo cu ucharra.

Portret mas abao ta momento cu sra. Fernandez y sra. Lu Chuen ta entrega dos pakete na familia Flannegin.

Sr. Joe Margaretha a informa nos cu ainda tin hopi hende mas cu ta den necesidad grandi.

E ta pidi na nomber dje comite, na tur hende cu tin algun mueble usa, cu ta di mas pa nan, sea cama, stul, mesa etc. y cu ta desea pa contribui pa un bon doel, por jamele na tel: 7254 of jama sr. Fernandez na tel. 2737, y nan lo pasa busca e contribucion. Tambe panja usa y sapato usa

C.U. San Francisco a eligi directiva

ORANJESTAD, 31 maart. - Ultimamente Credit Union San Francisco di Oranjestad a tene su reunion general anual pa su miembronan. Ariba e agenda cual



tabatin tambe eleccion di directiva pa e tres anjanan venidero.

E directiva cual a worde (re)eligi lo consisti di presidente Alfred G. Martijn, vice-presidente A.G. Boekhoudt, secretario Federico Fingal, segundo secretario Ricardo Estrada, tesorero Hildro Recamy, y segundo tesorero Aldina Pourier. E comision di Fianza ta worde forma door di Della de Medina, Maria Pietersz como suplente, Christiano Janga y Theodor De Jongh.

E comision di Control lo worde forma door di Catarina Tromp, Josefina DAAL, Lina Tromp y como suplente Octavio Couthino.

Segun relato cu a worde duna pa anja 1963, Credit Union San Francisco a crece cu 55 miembro mas, pa un total di mas cu 300. Na anja 1963 C.U. San Francisco a fla na su miembronan un total di Fl. 33,216,75 locual ta Fl. 11,790,87 mas cu na anja 1962.

E pago ariba e fianza di e ultimo anja segun directiva por worde jama favorable, door cu 50 por ciento di e placa cu a worde fla a worde paga back. Awe noch directiva y e diferente comisionan lo reuni pa traha e plan di campanja pa e anja venidero.

AGENDA

ARUBAANSE COURANT

diariamente cu excepcion di
diadomingo
subscripcion f. 3.25 pa luna
edicion los 20 ct.

edita pa:

N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.

imprimi na:

N.V. DRUKKERIJ
„DE STAD,,

Telefoon 1116 Directiva y redac-
cion, 2116 Anuncio y subscrip-
cion.

Directeur hoofdredacteur:
D. Wolff.

POR CUMPRAR ARUBAANSE
COURANT NA E SIGUENTE
LUGARNAN:

NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID

NA SAN NICOLAS
NICOLAAS STORE,
UNION STORE.

CINE

De Veer: 8.30 p.m. "Sol en Lla-
mas" all
Rialto: 8.00 p.m. "Ay Chabela" all
Principal: 8.00 p.m. "In Love
and War" 18 j
Aurora: 7.30 p.m. "El Norteño" all
Savaneta: 8.00 p.m. "De Graaf
von Monte Cristo" all

BOTICANAN DI WARDA

O stad Botica Oduber Tel: 1780
San Nic Botica San Lucas Tel: 5119

TELEARUBA

5.30 Cartoons
6.00 The Buccaneers
6.30 N.T.S. Journaal.
6.45 Papiamento Newscast Live
& Filmnews
7.00 Rough Riders
7.30 Informacion Amstel
8.15 Lock-up
8.45 Viana's Latest News
9.00 77 Sunset Strip
10.00 Sign Off

POR FIN E AMOR VERDADERO NOVELA

No. 1

"Mi ta masha contento cu bo a invitami, Sr Zeeberg. Pero awe ta imposibel pa mi bay cu bo, pasombra mi... wel tin un hendeta sperando riba mi, y ya ta un ora caba, segun mi. Mthor nos lagué pa un otro biaha, cu gusto lo mi bay e ora. Awe lo no ta e ultimo biaha cu nos mesterkedate laa". Cu esey Brigit a demonstra claramente con e ta haya e invitacion di Sr. Zeeberg. Frenky Zeeberg su cara a bira un poco corra y a trata pa domina su mes, mientras el a bisa: "Aplasa nota perdi", el a bisa cu un sonrisa riba su cara. Maske cu el a sinti un poco tristo cu Brigit nopor a sali cu né. "Bo kier cana cu mi?" Brigit a puntra, y tabata faltapae agrega: "Pero te na e portaso". Frenky tabata tin gana di bisa no, como cada rato cu el pasa banda di Brigit ta un gran valor pe, el a admiti, el a pasa su dilanti y a habri e porta. Junto nan dos a cana

CUMPLEANJOS

Dia 23 di Maart a cumpli anja Señorita Maria Leon, felicitacion ta bini di su tata Boel, mama Nini, rumanan Josefa, Buchi, Luisa, Lindo, Mirto, Nona, y Silvia, Doli cu ta mariniers na Aruba, wela Anita Geerman, welo Abraham Leon, amiganan na Hulanda Corrie van Sijl, especialmente di Kees Walker y Alberts, prima Nina, Ramona Geerman, di Aquiles Navas, y demas famia Leon, Geerman, Kelly, Ras, Henriquez, y v/der Biezeim.

Dia 29 di Maart a cumpli anja Basilio Geerman, felicitacion ta bini di su mama Imelda, tata Francisca, rumanan, wela y welo, tanta omonan, prima y primonan, madrina Bibiana Leon, padrinonan Severiano Geerman, Gilberto Leon, muy especialmente di tur su amiga y amigonan di Nici Ilabibe Jr, y demas famia.

RADIO CARACAS TELEVISION

8.45 Senderos de luz
9.00 Cajas con sorpresas
9.40 Jardin de infancia
10.00 Documentales
10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.00 Noticias
13.05 Cont. Show de Saume
12.15 Se necesita una amiga
13.35 Novela
13.50 Yo se lo vendo
14.20 Punto y aparte
14.45 Estudio Hector Monteverde
15.15 Perfecta ama de casa
15.45 Aventuras de Popeye y Yeyo
16.15 Mejias y sus muchachos
16.45 Busque su marca
17.15 Dick Tracy
17.45 Noticias
17.50 Ruta 66
19.00 Colonel Flack
19.30 A gozar muchachos
20.00 El observador
20.15 Novela
20.30 Joselo
21.00 Julian Pacheco
21.30 Dr. Kildare
22.30 Noticias
22.35 Cine para todos

Avion Italiano a cai cu 45 hende

NAPELS, 31 maart. - Un avion li pasahero di e compania Italiana "Alitalia" a cai den e Volcan Vesuvius. E avion a dal contra seru di e volcan. Segun e prome noticinan ningun di e 45 ocupantenan di avion a sobrevivir e desgracia. E avion tabata un Vis-



count.

E aparato tabata na caminda li Roma pa Napels. Un cuartu di ora promer cu e mester abaha na e aeropuerto Capodichino na Napels, e comunicacion cu e avion a cai.

Den direccion di e volcan, nan a mira vlamnan. Inmediatamente gruponan di rescate a sali pa e seru, unda na un altura di 600 meter e candela tabata.

Awaceru y neblina tabata stroba e trabaonan di rescate y nan mester a usa flambeu. Bombero di Napels a yega na restunan di e avion despues di algun ora. Nan a anuncia cu e avion a dal den e seru y despues a slip bini abao.

Mas despues a worde confirma cu no tin sobrevivientes. E compania a bisa despues cu di e cuarenta pasaheronan trinta ta estranhero.

Epidemia di tyfus na Soedan

KHARTOEM, 31 maart. - E ministerio Soedanes pa bienestar publico a participa, cu mas den cuminsamentu di e luna aki mas di cien habitante di West Soedan a muri di Tyfus.

Ainda tin ochenta patient di tyfus bou di tratamentu.

SPIONAHE DESCUBRI NA ALEMANIA WEST

KARLSRUHE, 31 maart. Na Karlsruhe worde participa oficialmente cu polis di Alemania Occidental a logra descubri un grupo do spionaje, cu tabata traha pa paisnan Oriental.

E miembronan di e grupo aki a haya instruccion especial pa actonan di sabotaje.

Na Hamburg, Bremen, y den e territorio di Ruhr 15 persona a worde descubri, kendenan tur ta pertenece na e grupo y kendenan tabata haya orden via di radio.

Dos di nan a logra hui pa Alemania Oriental. Como lider di e grupo tabata actua Alfred Weise di Dessau. Parce cu for di anja 1955 e ta traha pa servicionnan di informacion di paisnan Oriental y cu un paspoort falsu el a haci diferente viahe door di Alemania Occidental. Actualmente e ta den detencion preventiva. Segun informenan di Alemania Occidental e tarea di e grupo aki tabata pa den caso di un guerra of si un guerra lo tabata menasa, comete actonan di sabotaje of duna saboteadornan cu yega Alemania Occidental for di e parti Oriental, un base pa nan actonan.

Un gran cantidad di cas a kima siman pasa durante un candela grandi cu tabatin den becindario di Los Angeles. Diferente villanan a sufri un danjo considerable y hasta a kima por completo. Aki por mira dos habitante mirando lo cual tabata antes un villa bunita.

Trein a sali for di rail

ROMA, 31 maart. - E trein express di Turino pa Roma a sali na Livorno for di riel. Mas o menos 80 pasahero a worde herida. E desgracia a sosodre pasobra cu entre Atignano y Quercianella, mas o menos diez kilometer sur di Livorno, terra a cai riba e riel.

Ora cu e trein a sali di e riel, ainda tabatin algun wagon den tunnel. Trafico ferroviario entre Roma y Genua den e territorio litoral ta paralisado. E trafico ta sigui via di Florence y Pisa.

un bon mucha homber y asina conoci. Algun dia el lo bira hefe di akinan y tur hende lo respeté y admiré." Brigit a ripara cu é ta hariendo, pero alavez pensativa. Di repente el a bolbe corda cu tin hende ta wardele, y supensamento a cuminsa rondia e homber stimá, kende ta para ta wardé ey to. "José", su curazon kier grita. "José". Y e ora ey, Frenky Zeeberg a worde lubida completamente. Ora cu el a sali cana ni sikiera el a drey mira atras. Y pa un instante Frenky a sera su wowonan. "BRIGIT", el a bisa poco poco, "Dushi Brigit, pakiko bo no por ta di mi? Ya e no por a mira Brigit mas, y el a cana bay na su auto. Asina cu Brigit a jega pafó, mesora el a mira José. Cu paso grandi el a cruza caya pa e jega serca dje. Su cara tabata tristo. "Wel, wel, Sr Zeeberg no sa cu su secretaria tin derecho riba un anochi liber?". El a cuminsa bisa. "Si ami ta na bo lugar...". "Si, mi sa caba", Brigit a corre contesta, mientras el a coy Frenky su man tené y caricié. "Bo ta bay colga un holo-shi grandi dilanti e porta no? Hopi biaha bo a bisa mi asina caba dushi. Pero bo sa masha bon, cu tur cos no ta bay manera bo kier". Brigit a pasa su brazadon esun di José y a primi su curpa un tiki contra di dje. Na e momento ey un auto, a sali for di e fabri-

ca caminda Brigit ta traha. Parce cu e kier a stop, ora el apasa caminda Brigit ta pará, pero toch despues el a ranca bay, mescos cu un vuurpell. "Esey ta e jiu homber di bo iefe no?" José a puntra. "Ta e atenebo asina laa?" "Esra un pregunta sokete, José, mi ta secretaria di sutatam esey bo sa masha bon". "Y kiko?", el a sigui bisa. "Henter dia e por mirabo, y cua homber no por ripara con bunita bo ta?" José a coy su man tene duro. "Bota jaloers?" Brigit a puntra cu un sonrisa diabolica riba su cara. "Bo ta loco José", el a bisa poco poco. "No tin nada entre nos dos, absolutamente nada, pasombra mi no ta un mucha muher liber tampoco". "Y e sa esey?" Brigit a cuminsa hari mientras e ta sacudi su cabes. "Ta con bo kier pa mi bay papia di nos dos cu né. No ta su cuenta esey. Pero den tur esey, nos no a bin topa cu otro pa discuti. Bo a bisami na telefoon, cu bo tin algo importante di bisami". "Si, asina mes", el a contesta, y atrobe el a primi Brigit su manduro den esun di dje. "Ach, Brigit", el a bisa mientras el a hala rosea pisá.

"Si mi mester keda mirabo asina, mi ta hay gana di coy bo mantene y corre bay cu bo, na unda no tin ningun hende. Bo no ta haya esey

esplendido?" "Si, Brigit a admiti.

"Esey nos mester haci un bini di herdad. Pero awor, no ta posibel, bo mes sa esey. Esey no tur dos sa, y nos no tin mester d ta tristo. Pero bo por bai un otro caminda cu mi, pasombra mi tin hopi sed. No ta nos trein ta jegando ey? Mi ta kere cu no mester pura Frenky". Man tenan a cruza caya, y di balina nan por a alcanza e trein. Sonriendofells, Brigit ta pará pegá cu José.

"Mi no por ofrece bo hopi cos no Brigit?". El a puntra keto pa ningun hende no tendé. "Mi lo mester tin un bunita auto maner Frenky Zeeberg?". "Atrobe bota cuminsa? Mi no ta gusta esey no un tiki José", el a bisa serio. "Pero casi sigur bo kier tendé cu mi ta prefera di corre den nos trein, cu den e autodi mas bunita riba mundo no? Y asina tambe, dushi, basta cu bo ta kedá semper serca mi, manera bo ta awor". "Tende, net awe mi ta pensa hopi riba bo". "Ta kiko pasa anto José?" bo ta mirami na un manera stranjó". Ora no ta papia. Akiden nota e lugar adecuado. El a drey mira pafó door di bentana di trein, y awor numa Brigit por a ripara con nervioso José ta. E ta sigui....

BIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VIAG

lechi evaporado y lechi en polvo

MAXWELL HOUSE KOFFIE.**CISCO KID**

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.

**Horoscopo personal**

ARIES-21 di maart-20 di april- Bo custumbenan devocional dominical lo dunabo inspiracion espiritual pa e siman cu ta drenta.

TAURO-21 di april-21 di mei- Esaki ta un dia den cual bo mester studia bo porvenir desde e punto di vista di obtene un mihor forma di bida mas bien cu ganamentu di placa meramente.

GEMINIS-22 di mei-21 di juni- Ta masha importante pa boso se- ga y conserva energianan pa e dianan cu ta bini. Esaki ta exigi di Geminis cu ta busca exito.

PA BUKI DI HOROS- COOP 1964

na spanjo y ingles, tambe can- cionero acudi na:

„NICOLAS STORE,,
te l. 5385 - San Nicolas.....

CANCER-22 di juni-23 di juli- Asisti na reunionnan publicos si bo ta desea di sinti e pulso di opion publico y reaccion na asun- tonan cu ta di especial interes pa bo.

LEO-24 di juli-23 di augustus- Evita di permiti bo corason do- minabo por completo e dia aki. Facilmente bo por compromete- bo mas cu bo por soporta.

VIRGO-24 di augustus-23 di sep- tember- Esaki ta un dia favora- ble pa bo acostumbrado progra- ma dominical cu enfasis di e lado espiritual.

LIBRA-24 di september-23 di october- Evita periodonan di largo introspeccion e dia aki. Bo humor por ta den tal estado qu quizas lo conducibo na un depresion, si bo no tene cuidao.

ESCORPION-24 di october-22 di november- Traha plannan pa bo pasa ratunan cu bo intimo amigo y amiganan. Quizas bo por obtene informenan comercial masha valioso.

SAGITARIO-23 di november-22 di december- Pasa bo diadomingo den cas.

Un reciente exceso di actividad- nan quizas lo indica cu bo mester- sosega e dia aki. Lago bo condicion fisica conducir- bo e dia aki.

CAPRICORNIO-23 di december- 20 di januari- Esaki ta un diado- mingo den cual bo mester tuma inventario di bo posesionnan es- piritual y no di cosnan material. Fiha bo mes caracter pa bo ob- tene e clave di exito.

ACUARIO-21 di januari-19 di fe- bruari - Si ta posibel sali bai busca aire fresco. E comun cu naturalesa ta repo- sa prome y despues warda vigo- rizante.

PISCIS-20 di februari - 20 di maart- Sigui bo acostumbrado pro- grama dominical, pero si ta ne- cesario hasi excepcionnan pa bi- shita amigo- y parientenan.

Soebandrio a jega Francia

PARIS, 31 maart. - E minister Indones di exterior, Dr. Soe- bandrio, a yega Paris for di Argel, pa un bishita di tres dia na Francia. Diarason e lo tin un entrevista cu e minister Frances di exterior, Couve di Murville.

Despues di su bishita na Fran- cia, Soebandrio ta sali riba invi- tacion di su colega Ulandes, Mr. Luns, pa un bishita na Ulanda.

BUCHI ROBEZ**PEPITA**

with compliments of

OFICINA MARITIMA DE ARUBA

DOCUMENTATION & TRANSPORTATION

FOR INCOMING, LOCAL & OUTGOING CARGOES BY AIR, SEA AND LAND

**DICK TRACY**

RON REY DE COPAS

TA REGALA FLS. 3000.--

Na su consumidornan

Simplemente duna e nombenan pa e tres rumannan.

E tres rumannan ta e 3 popchinan den show window na

oficina di Ron Rey de Copas - Wilhelminastr: 47

Tin un premio di fls. 1000.--

pa cada number favoreci



"Las tres hermanas" otro concurso sin igual cu fls. 3000.-- pa regala!



REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastrat No. 47 y bo ta hanja un formulario pa yena bo number y direccion y e nombenan pa e tres rumannan
- 2) Entregá e formulario aki yená na oficina di Aruba Distilling Co., Wilhelminastr. No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 29 di april 1964 y cobra bo placa si e nombenan cu bo a duna ta e nombenan favorecé.
- 4) E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogí.
- 6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.

REY DE COPAS

ARUBA DISTILLING CO.

Wilhelminastr. 47

Tel. 1266